

→ **HORTGRO YOUTUBE**

Vind ons videobiblioteek vol bedryfsinligting [hier](#).

PLUS: 36 Boordopleiding video's nou beskikbaar in [AFRIKAANS](#), [XHOSA](#) en [ENGELS](#)

FROM THE EXECUTIVE DIRECTOR'S DESK

Sonpanele en batterye laai en storm-straps vir die jaar

Terwyl ons voortstoei met beurtkrag, is dit goed om oor die spreekwoordelike laai van ons interne battery te besin. Voor ek daar kom is dit egter belangrik dat Hortgro-lede gemoedsrus het met die wete dat ons alles in ons vermoë doen om binne georganiseerde landbou saam te werk, oplossings te soek en die implikasies van wat nou werklik 'n krisis geword het, onder die regte mense se aandag te bring.

Geeneen van die planne wat nou op die tafel is, is nuut nie. Intendeel ons stoei al daarmee vir etlike jare. Daar is nie *quick fixes* of *silver bullets* nie. Oplossings vat tyd. Weereens meer self doen en eie krag opwek. Ons sal na onself moet omsien.

Die fisiese en spreekwoordelike inkap en uittrek van tentpenne oor die vakansie was egter 'n voorreg en seëning. Hopelik is baie van ons meer gereed en gerat vir die jaar se uitdagings wat nie minder of minder uitdagend gaan wees nie.

Ekself was heeltemal *off-grid* en moes met die hulp van sonpanele batterye laai vir die koel goedjies en ys maak, en ook self-voorsienend wees met die aanry van water by my afgeleë kampplek. Glad nie vir Eskom of die Munisipaal gemis nie – Intendeel.

Egter bietjie van 'n *reality check* met die terugkom in die beskawing. Mag ons persoonlike en kollektiewe "penne", batterye en storm-*straps* vanjaar se uitdagings en stormwinde trotseer. Ons sal maar die *jumper cables* moet naby hou as die batterye ontlai en kerskrag nie langer lig op die onderwerp kan gooi nie. Of die *snatch ropes* wanneer ons iewers vasgeval het en 'n plukkie nodig het. En, soos al by 'n vorige geleentheid genoem het – ons sal moet aanhou planne maak en daai planne mag nie opraak nie!

Vir diegene wat al my deeltjie van die Weskus (Namakwa-Park en veral Kwass se Baai – my *Nkandla) beleef het: a) Die robkolonie by Swartfontein is besig om kommerwekkend te ontplof – dit gaan blywende skade aan die vis- en kreefbronne veroorsaak as daar nie spoedig iets aan gedoen word nie; maar b) die Swarttobies (*African Oyster Catcher*) bevolking lyk of hulle beslis meer word. Wat is mooier as 'n vlug (swerm?) van 10 Tobies – nog nooit voorheen gesien nie. Onverwags, verrassend en raar.

En selfs meer bevredigend op 'n persoonlike vlak omdat 'n klein groepie van ons oor baie jare, lank voor die area 'n park geword het, die Tobies se broeiplekke en strande beskerm het.

'n Simbool van oorlewing, en 'n volhoubare en blink toekoms teen alle verwagtinge in? Wys jou, dit kan gedoen word!

Tot volgende keer.

Anton

Almal van ons moet 'n Nkandla hê. Jacob Gedleyihlekisa Zuma

*Nkandla beteken: *To be tired and a place to rest* soos Shaka die plek vernoem het.

My Nkandla noem ek sommer *NKwassla!* Wanneer ry ons weer?



EDITORIAL TEAM

Elise-Marie Steenkamp - elise-marie@hortgro.co.za

Kyra-Kay Rensburg - kyra-kay@hortgro.co.za

CONTACT US
021 870 2900
www.hortgro.co.za

[Manage](#) your preferences | [Opt Out](#) using TrueRemove™

Got this as a forward? [Sign up](#) to receive our future emails.

View this email [online](#).

258 Main St, Buitenverwagting | Paarl, Western Cape 7646 ZA

This email was sent to .

To continue receiving our emails, add us to your address book.

[Subscribe](#) to our email list.